

UDAL JABARI PUBLIKOAREN ERABILERA PRIBATIBO EDO PROBETXAMENDU BEREZIAGATIK ORDAINDU BEHARREKO TASAK ARAUTZEN DITUEN ORDENANTZA

I- XEDAPEN OROKORRAK

1. artikulua.-

Udal honek, Lurralde Historikoko Toki Ogasunak arautzen dituen Foru Arauari jarraiki, Eranskinean zehazten diren tasak ezarri eta exijitzen ditu udal jabari publikoaren erabilera pribatiboagatik edo probetxamendu bereziagatik. Ordenantza honetan adierazten diren arauen arabera ezarri eta exijitzen dira tasa horiek, eta haren barruan geratzen dira jasota.

2. artikulua.-

Ordenantza hau udalaren eremu osoan aplikatuko da.

II- ZERGAGAIA

3. artikulua.-

Udal jabari publikoaren erabilera pribatiboak edo haren probetxamendu bereziak eratzten du zergagaia.

III- SUBJEKTU PASIBOA

4. artikulua.-

1.- Honako hauek izango dira, zergadun bezala, subjektu pasiboak: pertsona fisikoak zein juridikoak, eta Lurralde Historikoko Zergen Foru Arau Orokorrak 33. artikuluan aipatzen dituen entitateak, baldin eta beren onura partikularrerako gozatu, erabili edo aporetzatzen badute modu berezian udal jabari publikoa.

2.- Espalioetan egokitutako ibilgailu sarrerek modu pribatiboan erabiltzeagatik edo haien probetxamendu bereziagatik ezartzen diren tasetan eta, oro bat, sarrera horiek eraiki, mantendu, aldatu edo kentzekoetan, zergadunaren ordezkotzat hartuko dira ibilgailuen sarrera horiei sarbidea ematen dieten finka eta lokalen jabeak. Horiek, hala dagokienean, onuradun desberdinei jasanarazi ahal izango dizkiete kuotak.

3.-Administrazio Pulikoak, autonomia elkarteak eta entitate lokalak ez daude behartuta tasak ordaintzera herri jabariaren erabilera pribatibo edo probetxamendu bereziarengatik, zuzenean ustiatzen dituzten komunikazio zerbitzu publikoen probetxamenduetan eta, bereziki, herritarren segurtasunarekin edo defentsa nazionalarekin zer ikusia duten guztietan.

5. artikulua.-

Tasen ordainketa lizentziak beren izenean jasotzen dituztenek egingo dute, eta horien ezean, probetxamenduaren onuradun direnek.

IV- SALBUESPENAK, MURRIZPENAK ETA HOBARIAK

6. artikulua.-

Salbuespenak edo bestelako onura fiskalak aplikagarri diren xedapen orokorretan ezarritakoaren arabera emango dira.

V- OINARRI EZARGARRIA

7. artikulua.-

Oinarri ezargarria jabari publikoaren erabilera pribatiboa edo probetxamendu berezia gauzatzen den unitate bakoitzak osatzen du, Eranskinean jasotakoaren arabera.

VI- KUOTA

8. artikulua.-

1.- Zerga kuota tarifa bat, espreski erabakitako kopuru finko bat edo, bestela, bi prozedurak batera erabiliz finkatuko da, Eranskinean ezarritakoaren arabera.

2.- Erabilera pribatibo edo probetxamendu bereziak udal jabari publikoa suntsitu edo hondatzen duenean, onuradunak, behar den tasari aurre egiteaz gainera, osorik itzuli beharko ditu berreraikuntza edo konponketa gastuen kostuak, eta haren zenbatekoa aldeztatik ordaindu.

Kalteak konponezinak badira, udalak kalteordain bat jasoko du. Suntsitutako ondasunen pareko balioa izango du, edo bestela, kaltetutako ondasunen zenbatekoarena.

Udalak ezingo ditu barkatu, ez osorik ez zati batean, apartatu honetan aipatzen diren kalteordainak edo diru-itzulketak.

VII- SORTZAPENA ETA ZERGALDIA

9. artikulua.-

1.- Udal jabari publikoaren erabilera pribatibo edo probetxamendu bereziagatik exijitzen den tasa hurrengo uneetan sortuko da zergagaiaren izaeraren arabera: erabilera pribatiboa edo probetxamendu berezia hasten denean, eta orduan zenbateko osoa edo haren zati bat aurrez ordaintzea exijitu daiteke, edota, bestela, jarduketari edo espedienteari hasiera ematen dion eskaera aurkezten denean; jarduketa ez da egingo edo espedientea ez da izapidatuko dagokion ordainketa egiten ez bada.

2.- Tasaren izaera materialak sortzapena aldizkakoa izatea exijitzen duenean, sortzapen hori urte bakoitzeko urtarrilaren 1ean gertatuko da eta zergaldiak urte naturala hartuko du. Erabilera pribatiboa edo probetxamendu berezia hasi edo uzten denean, ordea, zergaldia zirkunstantzia horretara egokituko da, eta kuotan dagokion hainbanaketa egingo da Eranskinean ezarritakoari jarraituz.

3.- Jabari publikoa erabili edo aprobetxatzeko eskubidea burutu edo gauzatu gabe geratzen bada subjektu pasiboarekin zer ikusirik ez duten arrazoiengatik, dagokion zenbatekoa itzuliko zaio.

VIII- LIKIDAZIOA ETA ORDAINKETA

10. artikulua.-

Udalak kontzeptu bakoitzaren likidazioa egingo du, eta likidaturiko kopurua eskudirutan ordainduko da Eranskinak exakzio bakoitzerako ezartzen dituen arau partikularrei jarraituz.

IX- TASEN KUDEAKETA

11. artikulua.-

Ordenantza honetan arautzen diren tasak likidatu, bildu eta ikuskatzeari dagokion guztian, eta, halaber, zerga urrapenak kalifikatu eta kasu bakoitzean

dagozkien zigorrak ezartzerakoan, Lurralde Historikoko Zergen Foru Arau Orokorrean jasotakoa aplikatuko da.

X- AMAIERAKO XEDAPENA

Ordenantza hau, eta bere Eranskina, bertan adierazten den egunean onartu zen behin betikoz. 1999ko urtarrilaren 1ean jarriko da indarrean, eta aldatu edo indargabetzea erabakitzen ez den artean jarraituko du indarrean.

ERANSKINA

A) EPIGRAFEA: HORNIDURA ZERBITZUAK USTIATZEN DITUZTEN ENPRESEN ALDEKO UDAL BIDE PUBLIKOEN LUR, LURRAZPI EDO LURGAINAREN ERABILERA PRIBATIBO EDO PROBETXANIENDU BEREZIA

Auzateria osoari edo horren zati garrantzitsu bati dagozkion hornidura zerbitzuak ustiatzen dituzten enpresen aldeko bide publikoen lur, lurrazpi edo lurgainaren erabilera pribatibo edo probetxamendu bereziengatik prezioa aipatu enpresek udal barruntian urtean eskuraten duten fakturaziotik datozen sarrera gaudinen %1,5ekoa izango da, dagozkion Hitzarmenean agindutakoaren arabera.

Tarifa hau aplikatzeko arauak

Hornidura zerbitzuak ustiatzen dituzten enpresekin gauzatutako Hitzarmenak jarraituko dira.

B) EPIGRAFEA: POSTUAK, BARRAKAK, SALMENTA-ETXOLAK, JOLAS ETA AISIARAKO IKUSKIZUNAK, KALEKO INDUSTRIAK, INDUSTRIA IBILTARIAK ETA ZINEMA-FILMAZIOAK UDALAREN HERRI ERABILERA LUR-ZATIETAN IPINTZEA.

I. TARIFA

Honakoak izango dira tasaren tarifak:

- Era guztietako barrakak, azoka-postuak, ...	0,37 € / m ² / egunean
- Nolanahi ere, gutxieneko tarifa aplikatuko da	66,20

II. APLIKAGARRI DIREN ARAUAK

- a) Ezarritako eskubideak, bai eta enkante bidezko adjudikazioaren zenbatekoa ere, okupazioa ematearen ondoriozkoak direla ulertuko da, ikuskizunek funtzionatu zein ez. Beraz, ezin izango da inolako hobaririk eman funtzionamendua etetearen ondorioz, nahiz eta aparteko inguruabarrak egon, esaterako euria, energia elektrikoaren hornikuntza murriztea edo beste edozein.
- b) Gehienez 7 eguneko epea egongo da instalazioak muntatu eta desmuntatzeko, adjudikazioan azaldu den epearen aurretik eta ondoren, hurrenez hurren. Bestela, gehiegizko egun bakoitzari dagozkion eskubideak sortuko dira.
- c) Tarifen arabera eska daitezkeen zenbatekoak eskatutako edo egindako aprobetxamendu bakoitzeko likidatuko dira, eta menderaezinak izango dira baimendutako garai edo urteko aldian.
- d) Aprobetxamenduen emakidadunen batek adjudikatu zaiona baino azalera handiagoa erabiltzekotan, beste likidazio bat egingo zaio, gehiegizko zatiarengatik.
- e) Ezin izango da herri bidea okupatu interesdunek lizentzia ordaindu eta eskuratu arte.
- f) Epigrafe honetan ezarritako tarifa gutxieneko tasatzat hartuko da, eta hori erabiliko da oinarri gisa lizitaziorako.

C) EPIGRAFEA: TOKI ERABILERA PUBLIKOKO LURRETAN MAHAIK, AULKIAK, TRIBUNAK, OHOLTZAK ETA ANTZEKO BESTE ELEMENTU BATZUK JARTZEA, IRABAZIAK LORTZEKO ASMOZ

I. TARIFA

Honakoa izango da tasaren tarifa:

- Mahai eta denboraldi bakoitzeko	19,50
-----------------------------------	-------

II. APLIKAGARRI DIREN ARAUAK

- a) Eska daitezkeen zenbatekoak eskatutako edo egindako aprobetxamendu bakoitzeko likidatuko dira, eta menderaezinak izango dira baimendutako garai edo urteko aldian.
- b) Ezin izango da herri bidea okupatu interesdunek lizentzia ordaindu eta eskuratu arte eta aurretiko gordailua egin arte. Agindu hori bete ezean, lizentzia ez emateko aukera egongo da, baina horrek ez dio kalterik eragingo tasa eta bidezko zigor eta gainordainak ordaintzeko beharrari.